

SERVICIO DI POST NA ARUBA

Rond di aña 1825, Aruba tabata tin masha poco comunicacion cu Curaçao. Esey nos por lesa den "Aruba, zoals het was, zoals het werd" di Dr. J. Hartog. Avion no tabata tin e tempo ey ainda. Kiermen cu tabata tin solamente un sorto di post, esta "zeepost". Cartanan di gobierno of di comerciantenan tabata wordo mandá cu capitan di e barconan cu tabata bini aki. E cartanan aki ta jega te Curaçao. Mas leu no tabata necesario, ya cu e tempo ey casi ningun hende na Aruba




Di 1945 pa 1964 esaki tabata e oficina di postkantoor na Playa. Boso ta reconoce? E edificio ta existi ainda.

tabata tin famia na otro pais. Y si tabata asina mes, tur mester pasa via Curaçao prome. Aruba no tabata tin contacto directo cu resto di mundo.

Tampoco no tabata tin stampia. Pero esun cu ta ricibi e carta, mester paga 6 zepelin (1 zepelin ta 5 cent) p'e hay'é y e carta mester tin firma di e "postdirekteur" riba dje. Cartanan di Curaçao pa Aruba tabata dura 3 siman. Y di Hulanda pa Aruba (via Curaçao) casi 6 luna.

Rond di 1900 un polis na Fort Zoutman tabata hisa un bandera pa anunciá cu a jega un barco cu carta y paki. Esnan cu ta spera algo por acudi na oficina di douane. Pa haya mercancia di Curaçao nan mester paga 1% di invoerrechten y si ta mercancia di otro pais ta 4%. Pesey e tempo ey tur hende tabata importa mercancia via Curaçao so.



Edificio actual unda e postkantoor na Playa ta situá

Na 1892 e prome postkantoor a cuminsa duna servicio na Aruba. E tabata na cas di gezaghebber mes, un edificio cu tabata situá caminda awor ta Plaza Daniel Leo. E tabata un "hulppostkantoor".

Na 1908 el a muda pa Ontvanger na Fort Zoutman. Na aña 1911 el a muda pa e edificio dilanti di kerki di kerki protestant. Servicio postal a crece na 1916 cu baimento di hopi hende pa traha na Cuba. E aña ey a cuminsa cu entrego di carta y telegram na cas. Cu binimento di Lago e trabaonan a bira mas pisá ainda. Esey a haci cu e

hulppostkantoor a bira un Postkantoor mes, pero ta te na aña 1929 el a muda pa un lugar mas grandi, esta Klipstraat 8.

Na 1936 nan a habri un hulppostkantoor na San Nicolas. E tempo ey tabata jega mas post na e kantoor di San Nicolas cu na esun di Oranjestad. Motibo tabata Lago y su empleadonan.



Aki por mira e hulppostkantoor na San Nicolas

Un aña prome, na 1935 a cuminsa cu "luchtpost". Esey ta tempo cu Sr. Viana a habri un compania di aviacion. Despues KLM (Snip) a tuma e transporte di post over.

Rond di aña 1937 postkantoor na Oranjestad a bolbe muda. E biaha aki pa e kantoor nan nobo den John G. Emanstraat. Pronto esaki tambe e bira mucho chikito y na 1945 nan a muda pa Zoutmanstraat. Aki el a keda te dia 2 di mei 1964, tempo cu e actual postkantoor grandi y moderno a keda inaugurá.

Pa conmemorá 100 aña di servicio postal na Aruba, nan a emití na 1992 un serie di stampia masha bunita diseñá pa e pintor Sr. Stan Kuiperi.

Esun di 60 ct. ta ilustrá e decreto oficial firmá dia 5 di augustus 1892 pa Gobernador C.A.H. Barge. E decreto ta permiti Aruba haya e prome hulppostkantoor.

Esun di 75 ct. ta muestra e prome edificio di post cu tabata cas di gezaghebber. Y e ultimo di 80 ct. ta un bista di e oficina actual di servicio di post na Aruba.

Despues di 109 aña cu Aruba ta disfrutando di servicio postal, nos ta conta cu un hoofdkantoor na Oranjestad, 4 hulppostkantoor na San Nicolas, Noord, Piedra Plat y Royal Plaza.

Y muy pronto e districtonan di Sta. Cruz y Savaneta lo haya un hulppostkantoor tambe.



Esaki ta e hulppostkantoor na Noord



Chabalito

Number 8 - Año III - April, 2001 - Afl. 2,=



Bo kier sa kiko ta De Bezetting? • Gana Premio! • Conoce e historia di Postkantoor!